

جریدہ علیہ

مشيخت جليله اسلاميه نك جريدہ رسميه ميبر

۱۵ جمادی الاولی ۱۳۳۸

عدد ۵۳

اون بش کونده بر نشر اولنور

بشغي منه

« تخریبانك تلافیسی ایچونده بر بار عظیم دهاتحمل ایدلک ایجاب ایده جکی جهتله بعد الصلح »
 « مملکتک قوه استحصالیه سنی تزید ایده جک اساسلی بر طاقم تدابیر و تشبثات موقع »
 « اجرایه وضع اولنق اوزره بریاندن امور مالیّه ده تصرف و اقتصاده رعایت و مثمر اولمیان »
 « مصارفدن بجانب قلنمق الزمدر . »

« حکومتزک مساعیسی وطن و ملتک سلامتی اسبابی استحصاله مصروف اولدیغی »
 « کبی سز لركده منافع عالیه مملکتی هر شیئه تقدیم ایله مسئولیت حکومتی در عهده ایدلرله »
 « قارشی مراقب و مظاهر حقیقی اولمکزی توصیه ایدر و قطعاً یأس و فتوره دوچار اولموب »
 « عهده کزّه ترتب ایدن مشکل وظیفه لرك ایفاسنده توفیقات الهیهیه مظهر بتکزی جناب »
 « واجب الاملدن نیاز ایله مجلس عمومی بی کشاد ایلرم . »

نطق هایونک قرائتی ختام بولدقندن و نقیب الاشراف افندی حضرتلری طرفندن
 بردعای اجابت اتما تلاوت ایدلر کدن صکره اعیان و مبعوثان بروجه آتی تحلیف اولمشلردر .
 « ذات حضرت پادشاهییه و وطنمه صداقت و قانون اساسی احکامنه و عهدمه تودیع
 اولنان وظیفهیه رعایتله خلافتدن بجانب ایلیه جکمه والله »



— معالی اسلامیه دن بر نمونه واسقولا ستیکک، ماهیتی —

دین عالی اسلامک بر بحر زخار معالی و بر منبع بی انتهای کلات اولدیغنده شبهه یوقدر .
 هانکی بر حکم و هانکی بر اساسنه نظر اولنسه ضمننده بی نهایت حکمتلر ، منفعتلر ، فائده لر ،
 حقیقتلر عرض دیدار ایدر و بر حقوق حیرتلی موجب اولور .

بودینک خواص ممیزه سندن بریسی دنیاده انک یوکسک ارباب دهایی ایلک نظرده
 جلب و جذب ایدرک کندیسنه خادم قیلمسی و مجرد کندیکن نور ارشاد و فیض
 معالیه دنیایه نیجه نیجه اعظم علما ، افاضم حکما یتشدرمش اولمیتیدر . بودینک نصل
 بر دین اولدیغنی سفهادن دکل ، تحصیل عادی اصحابندن دکل ، ارباب غرضدن دکل ، منصف
 بی طرف فحول علمادن ، اساطین حکمادن ، علومده راسخ اولان جهابذه دن صورملیدر .
 بودین حقیقه هر کسک شهادتی مسموع اولماز و شاهد اولانکده هر کس مزکیسی اوله ماز

بودينك شاهد لری علمای محققين ، شاهد لرك من كيسي ده حكماي مدققيندر . على العاده اولان هر هانكي بر دين ، على العاده بر معتقد ، بر متدين ، بر مذهب يتشديره بيلير . فقط بر سوزيله عالمي ارشاده ، بر نظريه عالمي تنوير و تسخيره مقتدر اكابر عرفا يتشديره من . بو دين ايسه محضاً كندی فيضيله پرورشياپ و كندی علوميله حائز نصاب كالات اولمش . بيكرجه حكما ، بيكرجه عرفا و بيجه نيجه علامه لر ، فهمه لر يتشدير مشدر . كيم نه ديرسه ديسون بو دينك معروف ائمه اجتهادندن اولان ، ابو حنيفه ، مالك ، شافعي ، احمد بن حنبل كبي حكمت تشريعك الكنا فذا النظر عظماسني آنجق دين اسلام يتشدير مشدر . و كيم نه ديرسه ديسون دنيانك هيچ بريرنده و هيچ بر زمانده بو عظمانك كعبده حكمت تشريع موجودي كلامشدر .

بو دين عالي ، اك بيوك حجت قاهره سي اولان حضرت قرآن عظيم الشان كبي علوم و فيوض معاليسيله ، علما ، حكما ، عرفا سيله

(تاروز قيام اولور صلاكو)

(ارباب شكوكه امر فأتو)

صداسيه بتون اديان عالمي ، علمای كائناتي ، حكماي جهاني تحدي ايدر . بودينك نه اولديغني سفهادن ، چشم بصيرتي ناينا اولان بهائم مخلوقادن صور ماملير . و علمای شرقه اعتمادي اوليان علمای غربدن صور سون .

اقوام مختلفه نك علمای مدققيني عصر لرجه اعمال افكار ايتدكلى حلاله اساسات اسلاميه نك فوقده هيچ بر اساسه دسترس اوله مديلر . مشاهدات و تجربات اوزرينه مؤسس اولان فنون مثبتة مذاهب سائر دنك بطلاني اثبات ايدر كن حقائق اسلاميه نك علويتني اظهار و تاييد ايدر ك قلوب بشر اوزرنده كي حاكيتني تحكيم ايدويور .

بو معجزه فارشوسنده بي غرض اولان ارباب تدقيق حقيقت اسلاميه بي اعتراف ايله نشر و اعلان ايلكدن چكمنزلر . تدقيق علومده الكمترقي بولان علمای غربك عصر لردن بري ديانت و علوم اسلاميه بي پك بيوك براهم ايله تدقيق ايدر ك اولبا بده معظم اثر لر تدوين ايتمش اولملري دين اسلامه خاص اولان معجزات باهره زمره سندنر . هپ برهاني اولان حقائق علويه نك مجموعندن عبارت اولان دين اسلام هر درلو مناظره علميه به متحمل و قهر خصمه صالح اولان بيكرجه آيات حكميه ايله مجهز اولمنه مقابل مذاهب سائره بو فضيلتن

محروم اومسيله بومذاهبك دوامندن منفعتدار اولان رؤسا ميدان مناظره دي كنديلرينه طار
بولدجه كويانير اسلامه مقاومت ايچون چاره قيلندن اولمق اوزره دين اسلام عليهنده قصدي
افترالر بهتانلر اختراع ايدييورلر. ومذاهب مذكوره سالكلري آردسنده اسلام، مدنيتك خصمي،
انسانيتك هادمي اولديغني اشاعه ايليورلر، بين الاقوام كرداب اختلافي توسيعه چاليشيورلرايدي.
حالبوكه دين ميين اسلام بر كنجنينه حقائق، بر دفينه علوم ومعارف اولدجه حقنده كي مفتریات
مجلداته بالغ اولسه ده آنك ايچون بر نقيصه اولاماز. چونكه ذاتنده موجود اولان جاذبه
علميه ده نه وقت اولسه ارباب علوم وتدقيق كنديسنه جذب وجلب ايله جمالي خصمنه بيله
اظهار وكالني اقرار ايتديرر. دنيا ده هر شي ايچون اولوم واردر. يالكز علمي اولان
بر حقيقت ايچون اولوم يوقدر. نصير وظهيري علوم وارباب علوم اولان بر حقيقت دائم
وزوال ناپذيردر. ايشته حقيقت اسلاميه بوقيلدن اولان حقائقك باشنده در.

حقيقت اسلاميه ده كي جاذبه علميه، فرانسوي الاصل اولوب مؤخرأ انكلتره تابعيته
كيرمش (اوقسفورد). دارالفنوننده لسان عربي تدريس ايلش اولان (ژان عاني) ي
چكهرك تاريخ ابوالقداي ترجمه ايتديرمش وسيرني حقنده ايكي جلد اوزرينه اثر يازدر ير مشدر.
بو اثر وقتيله ياكش معلومات اوزرينه ودها طوغريسي محصول مفتریات اوله ر قشان
جليل محمدی حقنده تره اتدن عبارت بر فضا ختامه يازمش اولان وولتره تصحيح فكر
ايتديرمش در.

دين اسلاميه كي جاذبه علميه نك خارقه لر نندركه بويوك مدققه اك نهايت شوسوزلري
سويلنه شدر.

(اي جاهلر، اي احمقلر ديكر بر طاقم جاهلر دين اسلامك شهوت آميز بر دين
(اولديغنه سزي ايناندير ييورلر. حقيقت حال بويده دكلدر. بك چوق خصوصات سائر ده ده
(سزي اغفال ايتدكلري كي بو مسئله ده دخي اغفال ايدييورلر. اي راهبلر، منزويلر،
(باباسلر، شهر رمضان ايام صيفه تصادف ايتديكي وقتلر سزي امساك زمانندن آقشام
(غروب زمانه قدر ييوب ايچمكدن منع ايتسه لر، قار اوينا مقدن، شراب ايچمكدن منع
(واويناديگكز ويا اينچديگكز صورتده نار جحيم ايله انذار ايلسه لر بلاد حاره ده كاثن
(قطعه حجازيه بي زيارته ومالكزك قرقرده بري سنوي تصدقه سزي مجبور قيلسه لر اون

(سکیز قادیان ایله معاشرته آلیشمش ایکن بردنبره درده ایندیرسه لر طوغری سویلیکنز
 بو یله بر مذهبه هوا پرست نامی ویریه بیلورمی) .

ایشته الاول جاذبه علویه اسلامیه یه تابع اوله رق اوصاف جلیله نبویه تحری و تحریر
 واسلام حقنده کی اثر اغراض اولان نظر عداوتی ازاله ایله آوروپا عالم عرفاتی تنوبره
 شتابان اولان مومئی الیه ژان غانی یه در. ژان غانی یه دنصکره یتیشمش اولان بر جوق متفکر
 مستشرق لر میاننده موسیو (سپردنژر) معظم بر اهمیتی حائر اولان بر رجل علومدر .
 مشارالیه ممالک اسلامیه ده دین اسلام حقنده اجرای تدقیقات ایلد کدن صکره اولباده غایت
 بی طرفانه اثریازمش و کرچه اسلامی زیاده کیله ثنا ایلد یکنندن طولای بعض ارباب اغراض
 طرفندن دوچار تعریض اولمش ایسه ده افکار عالیه اصحابی کندیسنک اسلام حقنده کی
 مکتسبات علمیه سنی و بوباده مصروف اولان مساعیسنی تقدیر لرله آلقیشلامشدر .

مشارالیه پک محق اوله رق (آوروپالیلرک مسلمانلرک احواله اهمیت ویرمه مش اولدقلری حقنده
 پرورده ایلدیکی فکر مخصوصه تبعاً دهاپک کنج ایکن عمرینی احوال اسلامیه نک تدقیقه
 تخصیص ایتیش و ممالک اسلامیه یی طولاشوب بر مدت مسلمانلر آره سنده یشامشدر .
 آوروپا مدینتندن مستحسن اولان جهت لرینک شرقه ادخالنی و مسلمانلرک احواله وادیاتنه
 دأر آوروپالیلر معلومات مکمله اعطاسنی کندنجه وظیفه عدایده رک ۱۸۴۵ سنه میلادی سنده
 دهلی شهرنده قران السعیدین عنوانیه مصور بر رساله موقوته نشر ایلشدر که بونکله افکار
 شرقیه ایله افکار غربیه نک مقارنتی قصد ایدییوردی . مع هذا آوروپانک ایلک مستشرقلری
 اولان بو ذواتدن صکره بر جوق مستشرقلر کلش و بونلرک هر بری علوم شرعیه و تاریخ
 اسلامه دأر نافع اثرلر وجوده کتیرمشدر .

خادم اسلام اولان ارباب استشرقات کل یوم عددی تزیاید ایتمکده اولان اثرلرینک تعداد
 واحصاسی غیر قابل برحاله کلمشدر . معجزه اسلامیه نک پک بارز وهویدا بر اثر مخصوصیدر که
 آوروپاده قرآن عظیم الشانک متعدد ترجمه لرندن بشقه تفسیره ، حدیثه دأر پک جوق
 اثرلر یازلمش و علم فقهدر ترجمه ایدلمک همان بر مسئله بر اقلیمامشدر .

غربی اولسون ، شرقی اولسون حقیقت اسلامیه یی جاهل ویا آنک حقنده متجاهل اولان
 کیمسه لر نور اسلامک غربده اولان بواشرافات و فیوضه نظر ایتسونلر .

آنلر ظن ايدرلرکه حقيقت اسلاميه نك تأثير ضيايى شرق محيطنه انحصار ايدر . حالبوکه اوبز شمبندر، شمس ايچون شرق وغرب بردر . جهانك هر طرفنى نوريله روشن ايدر .
(خاصه خورشيد کالى زان سريست)
(روزوشب کردار اورو سنکريست)

کيجه کوندوز کاري تنوير عيون عالم اولان اوخورشيد کالک اشراقه کيمسه مانع اوله ماز . ايشته دين عالى اسلام انوارينى اوروپاده نشر ايدرک کندينى آنلره طاننديردى . آنلرک يوزلرجه علماسنى کالاتنه مقتون ايتدى . عمرلرينى آنک مطالعه جماله حصر ايتديردى . سنه لرجه اوصاف ومدايخنى ديبلر ننده داستان ايتديردى . ال کيوک داهيلرندن اولان قوجه وولتر کندی محيطنده بولنان اسلام معارضلرينه خطاباً :

(اى جاهلر ، اى احمقلر ديگر برطاقم جاهلار دين اسلامک شهوت آميز بردين اولديغنه سزى اينانديريورلر . حقيقت حال بويله دکلدرد . پک چوق خصوصات سائرده سزى اغفال ايتدکلى کي بومستلده دخی اغفال ايديورلر اى راهبر ، منزويلر پاپاسلر الخ) سوزلريله انطاق ايتدى . ايشته بواک بديع الک عظيم برانطاق حقدرد .

اوروپاده جناب محمد عليه الصلاة والسلام حقنده کي مفتریات و دينى علمينده کي شايعات هان کيمسه طرفندن التزام ايدلمه مکه باشلامش و آنلرک بيوک مستشرقلرينه غيرت جاهلانه ايله جناب محمد و دينى حقنده جمع ايديلان اکاذيب انحق کندمنز ايچون موجب عاروشيندر . بوکي اکاذيبک اورته دن قالدیرلمسى زمانى حلول ايتمشدر . جناب محمدک آغزندن چيقان کلمات اون ايکي عصرلردنبري والحالة هذه اوچيوز ميلون انسانک رهبر حياتى اولمشدر . بزئصل خلاق عالمک اثر صنعى ايسه ک اشبو اوچيوز ميلون نفوس دخی اثر صنع الهميدر . سوزلرينى سويلتمشدر .

دين اسلام ماهيت اصليه سى اعتباريله هيچ برعصرک فلسفه سييله علاقه دار دکلدرد . باشلى باشنه بر حکمت الهميه در بناء عليه اسقولاستیک فلسفه سييله هيچ بر مناسبى ويا آکا استناد وابتناسى يوقدر . بوفلسفه صرف خرستيانلغه عائد برشيدر . دين اسلام دائماً بوندن اوزاق بولتمشدر .

اسقولاستیک ماهيت حقيقه سى کنديسنده فعاليت فکريه نك خرستيان اورتودوکسفلنجه وضع وتعين ايديلان حدود داخلنده جولان ايتمشيدر . بوفلسفه نك اصل مأخذى اول

استانبولدن (شارلمانیه) به کوندریلن ارسطونک (ارغون) نامنده کی اثری صوکراری ده
ینه ارسطونک آوروپایه کتیریلن آثار سائر سیدر . اک زیاده الهیات ایله اشتغال ایدن
بودورک علما وفلاسفه سی مسائل حکمییه نك روح ومعنای اعتباریله آباء کنیسائییه
و بالخاصه اوغوسته نی، شکل اعتباریله ده ارسطوی تعقیب ایدرلردی . آنلرک نظر نده فلسفه
بر خدمتکار الهیات و یا خود آنلرک الهیاتی او فلسفه یه استناد ایدر ایدی .

الهیاتی اسقولاستیک اصولی وجهله بحث و مناقشه ایدن ممتاز متفکرلردن عد ایدیلان
بیهر لومبار الهیاتنده منطقی بر سلسله تعقیب ایدرک متلاصق بر مجموعه عقائد تشکیله تشبث
ایتمشدر . آرلر نده مسائل دینییه و فلسفییه پک منتظم بر صورتده و آری آری سر لوحه لر آتند
بحث و تمهید ایدلش ، قضیه لر کتب مقدسه مندر جاتنه ، قونسیلرک مقدراتنه ، آباء کنیسائییه نك
حیات و وصایانه مستنداً ترتیب اولمیشدر .

دین مبین اسلامک بدایت ظهور نده عرق سامی به منسوب اقوامدن اولوب شر قد
حاکم وضعیتنده بولنان سریانیلر اوتیه دنبری یونان ادبیات و علومی ایله الفت ایتمشدر
و خریستانلق سریانیلر آردسند مدینت یونانییه نك انتشارینه خدمت ایتمش ایدی .
ارباب اختصاصک شهادتنه نظراً اسقولاستیک فلسفه نك اشکال معلومه سی ابتداء
سریانیلرک آردسند تعیین ایتمشدر .

بناءً علیه عرب متفکرلری ظهور اسلامدن بر عصر صکره تحصیل و تدقیق علومه
باشلادقلری زمان طوغریدن طوغری به یونانیلرله دکل اونلرک فنون و آداب و عاداتی
استمثال ایتمش اولان سریانیلرله تماسده بولمغه باشلادیلر . خلفای عباسیه دن مأمون هجرتک
۲۱۷ هجری سنه سنده بغدادده (دارالحکمه) نامنده کی مؤسسه داخلمده تأسیس ایلدیکی رسمی
ترجمه دأردسند ترجمه هیئت ریاسته سریانی علما سندن (حنین بن اسحاق) تعیین ایتمش
ایدی .

اسلام عالمنده دور جاهلیتی تعقیب ایدن دور جهاد اثناسنده اختلافات مذهبییه یوقدی .
احوال اجتماعیه سکونت بولدیغی زمان صفوت اخلاقیه و صلابت اعتقادییه محافظه ایدن
عصر سعادت ایله عصر صحابه منقضى اولمش ایدی . اولوقت اخلاق و اعتقاداته طاری
اولان بعض تأثیرات ایله سربستی به تمایل بعض متفکرلر عقاید دینییه حقنده بر طاقم شخصی
افکار و مطالعات درمیان ایتکه باشلادیلر . بویله جه حصوله کلان تخالف افکار و اعتقادات

برجوق مناقشاته و متعدد فرق مذهبيه نك تشككنه باعث اولدى . حكماى يونانيه نك اصول وقواعدى عربلر آره سنده انتشار ايدرك طرفدارلر پيدا ايتمكه باشلادىنى زمان بونلردن محض ضلالت اولنلرى تمتاز علماى دين بوقواعد واصوله قارشو مجاهداته كيريشهرك عقائد اسلاميه يى مدافعه و محافظه يه قيام ايتديلر .

ايشته اشعريلرك، غزاليلرك، رازيلرك بتون مجاهدات و تأليفاتى هب بو غايه يه معطوفدر . يكانه فرقه ناجيه اولان اهل سنت و جماعتك منحصرآ مقصدلرى دين على اسلامك تافجر عالم صلى الله عليه وسلم افندمزدن كلان طراوت اصله سنى محافظه ايتمكدرك . آنلر اساسات دينيه يه مغاير اولميان بعض فلسفيات قديمه يى كتابلرينه المقدمه بئس كورماملش ايسه ده اساس دين اسلامى اسقولاستيق فلسفه سنه استناد ايتدير مك شويله طورسون بوفلسفه نك اساسات دينيه يه مخالف اولان ضلالتك دينه فرجه ياب دخول اولمسنه مانع اولمق ايجون چاليشمشلر و محمد الله موفق اولمشلر .

دور سلفه ده علم كلامك علت تدوينى ده دين اسلامى فرق ضالته نك تجاوز و تدليس و تلبيسندن محافظه دن عبارت اولدىنى ارباب اختصاصچه معلوم اولان بر حقيقتدر . — عقائد اسلاميه هر فلسفه نك فوقنده بر حكمت الهيه در . — هيج بر عصر ك حكمت ويا فلسفه سييله علاقه سى ويا آكا احتياج وابتئاسى يوقدر . بناء عليه عصر حاضر ك فلسفه سنه ، به قونك ، ده قارتك ، هه غلك سوزلرينه ده احتياجى يوقدر . فلسفه مابعد الطبعيه نامنه اك صوك سوزى سويلشدر . صانع عالم اللهدر و بر در بو دستور حكمت عاليه نك اك صوك سوزيدر .

جناب حق هر عصر ده دين ميينى ارباب ضلالتك تجاوزات و افساد اتندن مدافعه ايجون تشمير ساق جد و جهد ايليان رجال مجاهدين خلق بيورور . (قال الله تعالى انا نحن نزلنا الذكر وانا نحن لحافظون) و قتيله اسلاف دين اسقولاستيق فلسفياتى تدقيق ايدرك ضلالتلردن حريم دينى آندن محافظه ايتدكلرى كي اعصار متعاقبه و خصوصيه عصر حاضر علماسى دخى عصر حاضر فلسفه سنى تدقيق ايدرك مخالف اولان ضلالتلردن تظهير ايدرلر . دين اسلام ، كائناك مادام الزمان احتياجات و سعادتتى كافل لايفى بر خزينه فيوض و كالاتدر . [۱] (ان الله يبعث الهمده الامه على رأس كل مائه سنة من يجد لها دينها) حديث شريفى منظوم قججه هر عصر ك احتياجات و انكشافات جديده سنه

کافی اولان فیوض و کمالات دینیہ دیتندن استخراج واستنباط ایله عالمه نشر و اعلان ایتمک اوزره برطاقم ذواتی مأمور ایدر .

علمای اسلامک وظیفه سی احتیاجات حاضرہ ایچون احکام جدیدہ احداث و اختراع ایتمک دکل خزینہ دیندہ موجود اولان احکام کافیہ یی نشر ایتمکدن عبارتدر .

دین اسلامده اساس فلسفہ یه و خصوصیلہ ریاضیات و طبیعیاتہ ، میخانیک ، قوزموغرافیہ مثللو بشریت احتیاجات ضروریہ سندن اولان علملره قارشى اصلا تعصب یوقدر . بالعکس بونلرک تحصیلى امر ایدر . اگر دین اسلام بونلره قارشى متعصب اولسیدی بوقیل علملره ایکنجی خلیفہ عباسی اولان ابوجعفر المنصور التفات ایتمز و بوعلملر حقندہ هند و فارسی و یونان لسانلری اوزره یازلمش اولان مؤلفاتک ترجمہ ایتدیرلمسنہ اہتمام ایتزدی .

خصوصیلہ مشارالہک حفیدی اولان مأمون جدینک بوتشبتی توسیع ایله بغدادده بردارالحکمہ وجودہ کتیرمزدی . مشارالہمادن ابوجعفر المنصور علوم شرعیہ نک املرندن ایدی و امام مالکک شریکی ایدی .

امام مالک مذهبہ دائر یازمش اولدینی موطأ نامندہ کی اثر معروفی مشارالہ ابوجعفر المنصورک امر و تنسیلہ و آنک تعیین ایلدیکی خط و حرکت دائرہ سندن یازمشدر . مأمون ایسہ علوم شرعیہ نک متبحر لرندن معدود ایدی . باخصوص علم حدیثہ بر امام محدث درجہ سندن صاحب احاطہ ایدی . حتی منبر اوزرنده ایراد خطبہ ایدرکن متعدد احادیث نبویہ یی اسانیدیلہ برابر سرد و ایراد ایلدیکی واقع اولوردی .

بناءً علیہ علوم شرعیہ دک یوکسک بر صلاحیتہ مالک اولان بواکی خلیفہ اسلام علوم عقلیہ ایله بونلرک ترجمانی اولان السنۃ اجنبیہ نک مالک اسلامیه ده نشر و تعمیمہ همت ایشلردر . وبالطبع بواکی ذاتک فیض همتی یالکزر عنصر اسلامہ انحصار ایتماش و بالعکس آندن عناصر سائرہ و ازجمله سریانیلر مستفید اولمشدر . دین اسلامک احتیاجات بشریہ جمله سندن اولان السنۃ مختلفہ نک ، علوم و فنونک ، ریاضیات و طبعیاتک آمر و مروجی اولدیغندہ شبه یوقدر . یالکزر مابعد الطبیعیات اولان فلسفہ یه احتیاجی یوقدر . مابعد الطبیعیاتده کی فلسفہ یرینہ کندینک قبول ایلدیکی عقائد حقہ یی امر ایدر . ذاتاً فلاسفہ نک مابعد الطبیعیاتده کی سوزلری مباحث سائرہ ده کی سوزلری کی بر رمزیت ابدیہ یی حائر دکلدر . هپسی موقت و غیر ثابت

بر طاقم نظريات شخصيه دن عبارتدر . هر عصر ك رجال و متفكرينى بر عصر اوليكى متفكر لرك نظرياتى نقض ايدى كمشدر نته كيم و قيله اسقولاستيك فلسفه سى پايدار اوله ميوب اخيرا يرينه فلسفه جديده قائم اولمش و شيمديكى افكار ، فلسفه حاضره ايله مشغول بولميشدر كه بالطبع نظريات حاضره فلسفه نك اك صوك مرحله سى دكلدر . عصر لر كجكچه افكار فلاسفه دها نيجه نيجه تحوللر كوستره جكلدر . بريتشديكمز فلاسفه نك افكار ينه واقف اولدق . بزدنصكره كله جكلر عصر لر نده يتشه جك اولان فلاسفه نك كيم بيليرنه كى افكار جديده سنه واقف اوله جكلر در . (قل الله ثم ذرهم فى خوضهم يلعبون)

دار الحكمة الاسلاميه اعضاسندن

۸ كانون ثانى ۳۳۵

سيد نسيب

